

# „HORIZONTAL FACILITY“ ZA ZAPADNI BALKAN I TURSKU

Suzbijanje korupcije, privrednog  
i organizovanog kriminala

Sprovođenje pravde

Sprječavanje diskriminacije  
i zaštita prava osjetljivih grupa

Mehanizam za koordinaciju ekspertiza

<http://horizontal-facility-eu.coe.int>

Horizontal Facility for Western Balkans and Turkey

---

Funded  
by the European Union  
and the Council of Europe



EUROPEAN UNION

COUNCIL OF EUROPE



CONSEIL DE L'EUROPE

---

Implemented  
by the Council of Europe



Generalni sekretar Vijeća Evrope Torbjorn Jagland i komesar Evropske unije za susjedsku politiku i pregovore o proširenju Johannes Han, najavili su 11. aprila 2016. godine novi model saradnje ove dvije organizacije, sa ciljem pružanja podrške Jugoistočnoj Evropi i Turskoj u aktivnostima na usklađivanju sa evropskim standardima. Naziv inicijative je Zajednički program Evropske unije i Vijeća Evrope „Horizontal Facility“ za Zapadni Balkan i Tursku.

## „HORIZONTAL FACILITY“ – FOKUS I OBLAST DJELOVANJA

„Horizontal Facility“ će trajati tri godine (od maja 2016. do aprila 2019. godine). U fokusu će biti tri oblasti:

- ▶ sprovođenje pravde;
- ▶ suzbijanje korupcije, privrednog i organizovanog kriminala;
- ▶ sprječavanje diskriminacije i zaštita prava osjetljivih grupa.


Program raspolaže budžetom od 25 miliona eura.<sup>1</sup>

U okviru „Horizontal Facility“, Evropska unija i Vijeće Evrope će pružiti podršku zemljama korisnicama u Jugoistočnoj Evropi i Turskoj u usklađivanju sa standardima Vijeća Evrope i pravnim tekovinama Evropske unije u okviru procesa proširenja. „Horizontal Facility“ se oslanja na jedinstvene metode rada Vijeća Evrope, koje podrazumijevaju ciljane aktivnosti tehničke saradnje osmišljene na osnovu zaključaka i preporuka monitoring tijela Vijeća Evrope kojima se ukazuje na oblasti u kojima je potrebno dalje unaprijeđivati zakonodavstvo i praksu zemalja korisnica, kako bi se postigla usaglašenost sa Konvencijama i standardima Vijeća Evrope.

---

1. Evropska komisija je obezbjedila 20 miliona eura, a Vijeće Evrope pet miliona eura.

## Strateški trougao Vijeća Evrope



### „HORIZONTAL FACILITY“ – KORISNICI

— Korisnici tehničke saradnje u okviru „Horizontal Facility“ su Albanija, Bosna i Hercegovina, „Bivša Jugoslovenska Republika Makedonija“, Kosovo\*, Crna Gora i Srbija. Učešće Turske će biti ograničeno na dobijanje pravnih savjeta/analiza kroz mehanizam za koordinaciju ekspertiza i na potencijalne regionalne aktivnosti.

### „HORIZONTAL FACILITY“ – POSTAVKA

— „Horizontal Facility“ podrazumijeva primjenu pristupa koji uključuje dvije komplementarne komponente: 1) tehničku saradnju u vidu savjeta, izgradnje kapaciteta i drugih oblika tehničke podrške prilagođene potrebama svake korisnice „Horizontal Facility“ programa, radi unaprijeđenja usklađenosti sa evropskim standardima i 2) mehanizam za koordinaciju ekspertiza, koji predviđa pružanje ekspertske pomoći Vijeća Evrope u oblasti zakonodavstva i javnih politika po zahtjevu zemalja korisnica „Horizontal Facility“, na teme obuhvaćene ovim zajedničkim programom, kao i na pitanja koja se tiču slobode izražavanja i medija, i pojedina ustavna pitanja koja spadaju u nadležnost Evropske komisije za demokratiju putem prava (poznate kao Venecijanska komisija).

\* Ovaj naziv je bez prejudiciranja statusa, i u skladu je sa Rezolucijom Savjeta bezbjednosti Ujedinjenih nacija 1244 i mišljenjem Međunarodnog suda pravde o Deklaraciji o nezavisnosti Kosova.



## OBLASTI INTERVENCIJE

U zavisnosti od potreba i prioriteta zemalja korisnica, radiće se na različitim komponentama.

### Sprovođenje pravde

Rad u okviru ove tematske oblasti biće usmjeren na zatvore i policiju (što obuhvata ljudska prava u policijskim aktivnostima, zdravstvenu zaštitu u zatvorima i zaštitu od mučenja i zlostavljanja), standarde o ljudskim pravima u pravosuđu (sa fokusom na jačanju primjene prakse Evropskog suda za ljudska prava), efikasnost pravosudnog sistema (sa fokusom na analizu pravosudne statistike za optimizaciju sudske administracije) i/ili pravnu saradnju (koja će se fokusirati na povećanje individualne nezavisnosti sudija i tužilaca i odgovornosti u pravosudnom sistemu).

### Suzbijanje korupcije, privrednog i organizovanog kriminala

„Horizontal Facility“ će biti dodatno usmjeren na suzbijanje korupcije, pranja novca i finansiranja terorizma, što će obuhvatiti mjere za postizanje transparentnosti finansiranja političkih partija, sistema izjava o imovini, procjenu nacionalnog rizika i unaprijeđenje kapaciteta finansijskih obavještajnih jedinica. Pored toga, kada su u pitanju neke od zemalja korisnica, aktivnosti će naročito biti usmerene na korupciju u obrazovanju.

### Sprječavanje diskriminacije i zaštita prava osjetljivih grupa

U zavisnosti od potreba i prioriteta zemalja korisnica, rad u ovoj oblasti biće usmjeren na podršku institucijama zaštitnika građana, inkluzivno obrazovanje (koje se bavi pitanjima rasizma, maltretiranja, segregacije i ekstremizma u obrazovnom sistemu), trgovinu ljudima (sa fokusom na pružanje pomoći žrtvama trgovine ljudima) i sprječavanje diskriminacije nacionalnih manjina i/ili diskriminacije po osnovu seksualne orijentacije ili rodnog identiteta.



## ZAJEDNIČKI ELEMENTI

— Sve aktivnosti u okviru „Horizontal Facility“ biće sprovedene uz poštovanje ljudskih prava, uključujući principe rodne ravnopravnosti – u skladu sa „Smjernicama Vijeća Evrope za rodnu ravnopravnost“ (Gender Mainstreaming Guidelines) – i poštovanje principa nediskriminacije, jednakosti i inkluzivnog učešća, sa fokusom na ugrožene grupe i manjine. Saradnja sa organizacijama civilnog društva biće ostvarena u skladu sa „Smjernicama Vijeća Evrope o učešću organizacija civilnog društva u aktivnostima Vijeća Evrope u oblasti saradnje“ (Guidelines on Civil Society Organisations’ participation in Council of Europe’s co-operation activities) i u skladu sa „Smjernicama Evropske unije za podršku civilnom društvu u zemljama proširenja“ (Guidelines for EU support to civil society in enlargement countries).

## VIŠE INFORMACIJA

- ▶ **Internet stranica**  
<http://horizontal-facility-eu.coe.int>
- ▶ **FB**  
[jp.horizontal.facility](http://jp.horizontal.facility)
- ▶ **Twitter**  
[@CoE\\_EU\\_HF](https://twitter.com/CoE_EU_HF)
- ▶ **Kontakt**  
Kancelarija Vijeća Evrope u Beogradu  
Blu centar  
Španskih boraca 3  
11070 Beograd  
Srbija  
Telefon: +381 11 71 555 00  
E-mail: [Horizontal.Facility@coe.int](mailto:Horizontal.Facility@coe.int)

Vijeće Evrope je vodeća organizacija za ljudska prava na kontinentu. Ima 47 država članica od kojih su 28 članice Evropske unije. Sve države članice Vijeća Evrope potpisale su Evropsku konvenciju o ljudskim pravima, sačinjenu u cilju zaštite ljudskih prava, demokratije i vladavine prava. Evropski sud za ljudska prava vrši nadzor nad primjenom Konvencije u državama članicama.

[www.coe.int](http://www.coe.int)

Evropska unija je jedinstveno ekonomsko i političko partnerstvo 28 demokratskih evropskih zemalja. Njeni ciljevi su da za svojih 500 miliona građana obezbjedi mir, prosperitet i slobodu u jednom pravičnijem i sigurnijem svijetu. Kako bi se ovi ciljevi ostvarili, države članice Evropske unije ustanovile su tijela koja rukovode Evropskom unijom i usvajaju zakonsku regulativu. Glavna tijela su: Evropski parlament (koji zastupa građane Evrope), Savjet Evropske unije (koji predstavlja vlade država članica), i Evropska komisija (koja zastupa zajedničke interese Evropske unije).

<http://europa.eu>

Funded  
by the European Union  
and the Council of Europe



EUROPEAN UNION

COUNCIL OF EUROPE



CONSEIL DE L'EUROPE

Implemented  
by the Council of Europe